



Na osnovu člana 2.9 stav (1) tačka 2.a i člana 14.1 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10) i člana 116. Pravilnika o načinu provođenja izbora u Bosni i Hercegovini ("Službeni glasnik BiH", br. 37/10, 71/10, 22/11 i 61/12), Centralna izborna komisija Bosne i Hercegovine je na 86. sjednici, održanoj 13.11.2012. godine, donijela

ODLUKU

(1) Raspisuju se ponovni izbori za:

- a) Skupštinu općine Istočni Drvar i načelnika Općine Istočni Drvar na redovnom biračkom mjestu 058B001
- b) Skupštinu općine Istočni Mostar i načelnika Općine Istočni Mostar na redovnom biračkom mjestu 158B001

koji će se održati u nedjelju 18. novembra 2012. godine.

(2) Ponovni izbori provest će se na osnovu istih kandidatskih listi i istih izvoda iz Centralnog biračkog spiska koji su korišteni na dan Lokalnih izbora 07.10.2012. godine.

(3) Ova odluka stupa na snagu danom donošenja i objavit će se 18.11.2012. godine u 12,00 sata na web stranici Centralne izborne komisije BiH www.izbori.ba, i smatrat će se da je danom objave ista dostavljena svim učesnicima u izbornom procesu.

Obrazloženje

Centralna izborna komisija Bosne i Hercegovine je odlukama broj: 05-1-07-5-1325/12 od 29.10.2012. godine, broj: 05-1-07-5-1200/12 od 29.10.2012. godine i broj: 05-1-07-5-1200/12 od 05.11.2012. godine poništila izbore za skupštinu općine i načelnika općine na redovnim biračkim mjestima:

- a) 058B001 u osnovnoj izornoj jedinici Istočni Drvar i
- b) 158B001 u osnovnoj izornoj jedinici Istočni Mostar

iz razloga što je ustanovila da se postupak glasanja na navedenim biračkim mjestima nije odvijao u skladu sa odredbama Izbornog zakona Bosne i Hercegovine i Pravilnika o načinu provođenja izbora u Bosni i Hercegovini, odnosno da je došlo do nepravilnosti koje mogu uticati na rezultate izbora za izborni nivo skupštinu općine i načelnika općine u Istočnom Drvaru i Istočnom Mostaru.

Shodno izloženom, a u skladu sa članom 14.1 Izbornog zakona Bosne i Hercegovine i članom 116. Pravilnika o načinu provođenja izbora u Bosni i Hercegovini, Centralna izborna komisija Bosne i Hercegovine je odlučila kao u dispozitivu ove odluke.

Broj : 05-1-07-1-2294-1/12
Sarajevo, 13.11.2012 godine

